

UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO, ul. La Benevolencija broj 16, ID broj: 4200220350146 koju zastupa policijski komesar, Generalni inspektor policije Nusret Selimović (u daljem tekstu: Korisnik usluga)

i

JU ZAVOD ZA ZDRAVSTVENU ZAŠTITU ZAPOSLENIKA MINISTARSTVA UNUTRAŠNJIH POSLOVA KANTONA SARAJEVO, ul. Alije Isakovića 3, ID broj: 4200084310003, kojeg zastupa direktor Anes Talović, (u daljem tekstu: Davalac usluga)

zaključile su:

UGOVOR O PRUŽANJU USLUGA

Član 1.

Predmet ovog ugovora je pružanje usluga ljeakarskog pregleda kandidata koji učestvuju u proceduri zapošljavanja i upućivanja na osnovnu obuku za kadete Uprave policije Ministarstva unutrašnjih poslova Kantona Sarajevo.

Član 2.

Nabavka je izvršena u skladu sa članom 10. stav 1. tačka d) Zakona o javnim („Službeni glasnik BiH“ broj: 39/14), a na osnovu Odluke broj 02-11-4-8182/21 od 16.12.2021. godine.

Sastavni dio ovog ugovora je ponuda Davaoca usluga broj: 02-37/21 od 16.12.2021. godine.

Član 3.

Davalac usluga se obavezuje da će za potrebe Korisnika usluga utvrditi zdravstvenu sposobnost izabranih kandidata, za posao policijskog službenika u početni čin policajac, a u skladu sa Pravilnikom o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ud daljnem tekstu Pravilnik ("Službene novine Kantona Sarajevo broj: 44/19).

Davalac usluge se obavezuje da će po zahtjevu Korisnika usluga pristupiti vršenju usluge za 200 (dvijestotine) kandidata koji učestvuju u proceduri zapošljavanja i upućivanja na osnovnu obuku za kadete iz člana 1. i 3. stav (1) ovog ugovora u periodu od 20.12.2021. godine do 31.12.2021. godine.

Usluge će se vršiti na adresi Davaoca usluga, Alije Isakovića 3. Sarajevo.

Član 4.

Ugovorne strane su saglasne da Davalac usluga po zahtjevu Korisnika usluge izvrši utvrđivanje zdravstvene sposobnosti kandidata koji učestvuju u proceduri zapošljavanja i upućivanja na osnovnu obuku za kadete Uprave policije Ministarstva unutrašnjih poslova Kantona Sarajevo (izabranih po osnovu javnog konkursa), čiji sadržaj je propisan Pravilnikom, po cijeni od **80,00 (osamdeset) KM sa PDV-om po kandidatu**.

Ukupna vrijednost ovog ugovora za 200 kandidata iznosi 16.000,00 (šesnaesthiljada i 00/100 KM) sa uključenim PDV-om.

Član 5.

Davalac usluge je dužan blagovremeno pružiti ugovorene usluge iz člana 1. ovog Ugovora po profesionalnim, stručnim i uobičajenim standardima.
Davalac usluge se obavezuje da nakon izvršenog pregleda Korisniku usluge dostavi ljekarska uvjerenja za sve kandidate.

Član 6.

Korisnik usluga se obavezuje da će platiti račun/fakturu za uredno izvršene usluge iz člana 1. i člana 3. ovog ugovora u roku od 15 (petnaest) dana od dana prijema na tekući račun Davaoca usluge.

Član 7.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 8.

Ovaj ugovor je zaključen, kada isti potpišu obje ugovorne strane i traje do izmirenja dužničko-povjeralačkih odnosa.

Član 9.

Ovaj ugovor je sačinjen u četiri (4) primjerka, od kojih svaka ugovorna strana zadržava po dva (2) primjerka.

DAVALAC USLUGA
JU ZAVOD ZA ZDRAVSTVENU
ZASTITU ZAPOSLENIKA MUP-a
KANTONA SARAJEVO

direktor Anes Talović

Broj: 04-1-659121
Datum: 17.12.2021. godine

KORISNIK USLUGA
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 02-11-4-8182-2/21
Datum: 17.12.2021. godine